

۸۹ نومرو

برنجی سنه هر کون صبا حلی نشر اول نور انسا نیتہ خادم دینی سیاسی عثمانلی غزته سیدر



۸۹

ابونه فیثانی

ممالک عثمانیه ایله بلغارستان بوسنه

هرسک مصر ، قبریس

و کرید ایچون

سنه لک ۱۲۵۰ آلتی آیلغی ۷۰

عروشدر

استانبول ایچون سنه لکی ۱۰۸

عروش

فولک

اتحاد محمدی جمعیتک مروج افکاریدر

صاحب و مدیر مسئولی

قبریسلی درویش و حدتی

امور تحریریه ایچون مدیر مسئوله

مراجعت اول نور

آدره سی :

یره باتانده ساقی بک مطبعه سی

۱۷ مارت ۳۲۵ ۳۰ مارت ۱۹۰۹

صالی

۸ ربیع الاول ۱۳۲۷

خرلایفهم کبی پیش و پس زمانده دولاشمهقله
امرار اوقات ایلمکده بولمشلردر . حریتک
معناسی عجایبومی ؟ !

وا اسفاکه : بوکبی فروما یکانک سزاوار
لغت احوال قبیحه ، افعال مذمومه لرینه علاوه ده
علوم و فنون دیه او قودقلمی دروس غیر مأنـ
سه نك كنهنه واقف اولمدهن ، امور شرعك
مزایا و دقایقه ، قرآن کریمك رموز و حقایقه
— بر آزاو لسون — اطلاع ایتمدن کندیلرینه
چکی دوزمن و یردرك علمدن فضیلتدن بخله
ابراز نمایش و هنر ، اتحاد محمدی جمیت محترـ
مه سنك مقصد اصلی و حقیقیسنك نه دن عبارت
اولدیغی ادراك ایلمدهن صیباحدن اقشامه
قدر اوتوده بریده — مخلوقدن دکل خالقدن
بیله — اوطانقسنزین — حاشام حاشا — بعض
هذیان و تفوهات آمیز کلاملرله طنین انداز
اوله رق عالم اسلامیتك سکوتی ، سکوتنی اخلال
ایدیور ، دنیا و عقباده رزیل و رسوا اولیورلر .
شناعت ، فضاحتلری ینه کندیلرینه قالیور !
مفسدلردن ماعدا هر کسجه معلومدرکه
آمال و اجتهاد خیرخواهانه سی مجرد اعلاى
کلمة الله معطوف و اهتمام و مقصد یکانه سی شرـ
یتك از سرنو احیاسنه اشعه نثار اولمسنه
مصروف اولان جمیت مقدسه هر شائبه دن
مصوندر . بناء علیه لغرض علیهنده لافزن
اولانلر جاهل و هر زمان و مکانده خائب و خاـ
سردرلر .

دور سابقده شریعت مطهریه کوره عمل
ایتمکدن صرف نظر قانون الهینك برجه
احکامنی احمایه قالقشمش و معتابه اقسامك
تدریسی ، نشرینی منع ایلمش ایدیلر ! دکلکی ؟
اوت ؟ زمان مشغوم رجالتك معاملله واقعه
بی ادبانهلری ، شریعت احمدیه یه عدم انقیادلرینی ؛
غیرة اللهك صدورینه سبب محض اوله رق
سفیللر ، خائنلر مقهور و مخدول اولدیلر .

ایشته احکام الهیه اهاننت نظریله بقانلرك
نتیجه حالی بویله و خیمدر . سوریلان ذوق
وصفالر ، سرور و آهنگلر بویله جه کال ردالتله
ختم بولور . ای نامعتقد ، خائن دین اولنلر !

برکون کله چك كه سرك ده باشكزه دهاشدرضربه
عدالت الهی اوریله جق . . جنساب حقمك
قانوننه ، احکام الهیه سنه سرفروی اجابت
اولیانلر دائما مخدول و عون باریدن محرومدرلر .
قور دقلمی دولابلر ، آشیانه دئاس هپ
کندی باشلرنده قیریلور . ویران اولور .

اذالم یکن عون من الله لانتی

قاول مایجنی علیه اجتهاده

رهبر نجات ، عروء و ثقا اولان شریعته
تمسك ، ارکان دینی بحق التزام ایدنلر بیلمش
اولسونلر که داریندن فائز و فائقدرلر . علیهلرنده
سویلنان سوزلر عوعوء کلاب مشابه سنده در .
شریعته اعتماد ایتك ، شریعتی پیشوا قیلیمق ؛
جناب اللهه اعتماد ، خالق دلیل ایتك دیمکدر .
(من یتوکل علی الله . . .) شریعت نه در ،
بیله لم ، قرآن عظیمه اعتقاد ایدلم . اما طبقه
جهلا ، فرقه بدلا کبی بیلمیه لم . شریعت یغنی
قانون الهی ؛ قوللرك ، مخلوقاتك سرمایه سعادت
دنیا ، واسطه نجات عذاب عقنابی اولمق اوزره
جناب مالک الملک جانبندن انزال بیورلمش مقدس
کلام اللهدر . او قدر مقدس که کتاب مستطابك
هر آیت کریمه سنده دکل هر برکله سنده ، حرفنده
بیله سلامت ، عدالت موجوددر . رونمودر .
بتون ملت اسلامیه نك ، عموم تبعه عثمانیه نك
مساوات دائره سنده حقوقی محافظه و وقایه یه
کافل و آمر بولنان بوا حکام جلیله سبحانیه دن
دها مبجل ، دها معزز ، دها مقدس برشی
تصور اولنه بیلمی ؟ حاشا ! بونی انکار
ایتك قابلمی ؟ اصلا . . . ایشته . . . میدانده !
بوکون دین یولنده ، وطن اوغرنده غزا
جهاد وارديه عالم اسلامیه جزئی بر اشارت
ایتسهك کره ارضك اک هجرى ، اک بعید کوشه
سنده متوطن دینداشلر یتمك اعماق قلبنده
بر تاثیر دیانت حاصل ، بر جذبه روحیه ، بر شوق
جهاد پیدا ، اک اوفق شریانلرنده بر غلیان ،
شعله برقه مقارن بر نور اسلامیت ، بر اکثر
یقیت دینیه جریان ایلر و همان طرف طرف
قوشوب کلورلر . بو هپ شریعت سایه سنده
هپ دین اوغورنده ! اوت ، مسلمانم دیان

هر ذاتك اوزرنده بو تاثیر طبیعی الحصولدر .
لکن شریعت ، طهارت نه اولدقنی بیلمیه رك
قضای حاجتدن صکره ورقله طهارت ایدن
زندیقلم اوزنده بویله بر تاثیرك حصول عذیم
الامکاندر . عدالتنزلکدن ، شریعته عدم
اطاعتدن بو قدر سنه دنبری سرتاسر مدهشجه
رخنه دار اولان ، ترلزله اوغرایان سفینه دولتك
تحمل فرسا ، داخلی ، خارجی ضربه لره ،
یومروقلره پهلوسنی سپر ایدره رك ایدار اولمسی
دین مبین محمدی سایه سنده دکل ؟ اوچوز
یکرمی ایکی سنه سنده مالک عثمانیه تقسیم ایتك
فکر سقیمنده بولنان دول معلومه طرفندن
بزه و یریلن اولتیماتوم اوزینه هرکوشه دن ،
هر نقطه دن اسلاملرك بردن بره نوران ایتمی
جمله بی جبراً صوصدیرمدیمی ؟ دها صکره
تکرار اتفاق ایتش ایکن عنایت الله حصولیه
اداره مشروطیه انقلابمز آنلرك سکوتنه ،
فکرلرندن جایسنه سبب اولمدیمی ؟ بونلر هپ
اسلامیت ، شریعت سایه سنده تیسر نمای حصول
بولدی . یشاسون شریعت !

مابعی وار

اریللی قیه زاده

م . . . بدرالدین

عرفی

اسلام — نفاق

دین مبین احمدی و شریعت ویم محمدی
مکه مکرمه دن طلوع ایلدیکی زمان عالم انسانیت
بتون ظلام جهل و شرک ایله مملو یکن هیچ
برکسه نك زیر حمایه سنه التجایی قبل ایتیه رك
او قدر هجمات متوالیه مشرکینه رغما کوندن
کونه سرعتله توسیع دائره ایلدیکی و هیچ
برطرفدن مظهر معاونت مادیه اولدیغی حالده
بوکون دنیا ده موجود عناصر ایچنده اسلامدن
چوق بر عنصر اولمدینی حتماً تمجد ایدانددر .
دین مبین مسلمین بر طریق مستقیم اوزره
سالک بولوندیغندن محضاً عنایت الهیه دائما
کندوسنه رهبر اولمش و هیچ بر مفید او ، دینه
القای فساد موافق اوله مامشدر .

دلیلمی استیورسکنز؟! جناب فخر رسل
(ع. م) مدینه منوره یی تشریف لارنده دهاهنوز
دایت اسلامیتده رئیس المنافقین اولان ابی بن
لولک تحت اداره سنده بولنان ویکونی اولدقجه
هم اولان زمرة منافقین اسلامیتک علیه
وله رق غایت ماهرانه وواسع بر مقیاسده ترتیب
یتدکلیری حیل و دسائسک کافه سی نتیجه ده
ول قهار اولان جناب حقت سایه لطفنده
هپ کندی علیهارینه ظهور ایتدی. عاقبت
ردقاری قویه کندولری دوشدیلر. خلفای راشدین
زماننده هکذا، امویة، عباسیلر دورلرنده کذلک
هله بولنلردن عقبه قاضی نام منافقین بتون اسلاملرک
خاص و عام نجه مشهوردر. بو حکایه نکه عینی،
سلاطین عثمانیه نکه زمان سلطنت لرنده ده پک
چوق و قوعه کلشدر. الانده بوکی منافقینک
وجودی درجه احتمالده در. لکن ای معاشر
مؤمنین! امین اولیکز بوکی منافقلر هر نوقت
اولور ایسه اولسون هیچ بر شینه موفق اوله
ییه جقدر. دائما شریعت کندی باشلرینه چیوی
چاقه جق و کوزلرینی کوراید جکدر. اسلاملری
قرآنلرینی ترک ایله دینسزلکه سسوق ایتکه
چالیشانلر قهر اولوب قهر شریعت کرفتار اوله.
جقدر. ینه دلیلمی استیورسکنز! دلیل دکل، بشارت
اولسونکه هیچ بر مسلم تعالی دین ایچون سنه لرجه
کونلرجه دکل، بر ساعت، بر دقیقه بیله بذل مقدرت
ایتمدیکی حالده یوز بیکلرجه خلق مسلمان اولور
اغیار عمرلرینی تلف، بتون اقتدارلرینی ماللرینی بذل
ایتدکلیری حالده ایکی کشی یی اضلاله موفق
اوله میور، ای اتحاد محمدی جمعیتی! دینمیزک علویته
بولندن بیوک دلیل، الی یوم القیام ابدی اولدیغنه
بولندن فضله بشارت نه استرسکنز؟ اسلام، منافق
روهندن آزاد اوله مز قابل دکلدر. سببی؟ چونکه
بودین جلیل برکدر، کل ایسه هیچ بروقت دیکنسز
اوله مز. اودیکنلر کله ضرر ویرمز. کلی نظر
اعتباردن اسقاط ایدمز. کل ینه کلدلر ینه
سویلمیدر. کل دینلنجه دیکن خاطره کلامک
قابل دکلدر. بناء علیه اسلام دینلنجه منافق
مراثلیری تخطر ایتماک قابل دکلدر.

خلاصه ای جماعت موحدین! دینمیزی احیا
ایده جک بر قوت متصور دکلدر. مضطرب
اولیکز، کندیکیزی یکانه خادم شریعت و سالک
کافه احکام اسلامیت قیلکز، بتون دشمنلر، محاصملر
معارضلر، منافقلر اللهک لطفیه قهر اوله جغنه
ودولاب احتیاللری عاقبت کندی علیهارینه
دونه جکنه مطمئن و امین اولیکز. بزی خلاص
ایده جک شریعتدر. شریعتی کندی مزه رهبر
ایدینوب تقرقیه دوشمه یه لم، قوی و متین اوله رق
حیل شریعت صاریله لم، اللهدن بشقه بر کیمسه دن
قورقما یه لم، منافقلر بزه بر ضرر ایراث ایدمز
اسلام نفاق ایله عادتاً توأمدر. چونکه بوش
اوده خرسز اولماز. ۱۶ لمارت ۳۲۵
اتحاد محمدی جمعیتی اعضاسندن
کرسی شیخلرندن عبدالرحیم



مشروطیت اعلان اولنه لی سکنز ماه اولدینی
حاله ممالک عثمانیه نکه هیچ بر طرفنده امور
نافعه و تجاریه یه دائر جدی بر تشبثاتده بولنلمیوب
یالکیز قونسر و تیاترو کی هوائی شیرله
اشتغال اولندی. اوروپا ایسه اوتهدن بری
عثمانیلری باخصوص مسلمانلری قابلیتسزلک!
ایله اتهام ایتدیکندن (اتحاد محمدی جمعیتی) ده
مسلمانلرک صنایع و تجارتده اوروپالیلر قدر
ترقی ایتمه مسنک اسبابی قابلیتسزلک اولمیوب
بالعکس استبدادک تأثیری اولدیغی بتون دنیا یه
اثبات ایتک ایسته یور.

جمله جه معلوم اولدینی اوزره فایزیه لروشمندو.
فرلرک محسناتی بولندقلری نقطه یه، بولندقلری
منطقه یه عائددر. واپورلرک محسناتی ایسه هر طرفده
کوریه بیلور. حقوق دول قاعده سنجه ده منسوب
اولدینی دولتک سیار بر قطعه سندن معدوددر.
قرآن کریمده سیاحتک لزوم و منافعه دائر بر چوق
آیات کریمه وارددر. سیاحت مسلمانلر ایچون
عادتاً فرضدر.

وقتیله امت محمدیه جهانک هر طرفنه
سیاحت و تجارت و کسب ثروت ایدرلردی.
صوکره دن حقائق ضایع اولدقچه وایشلر

وضعیات حقیقه سندن چیققدقجه بولنلر و زومده
یواش یواش اونودلغنه یوز طوتمشدر. الحاصل
حقیقه مسلمان، حقیقه دیندار اولانلر یا شادقچه
چالشمغه، کار و کسب ایله مشغول اولغنه
وارزاق مقدره سنی جهانک اوزاق نقطه لرینه
کیدوب آرامغه و دنیانک هر طرفنده کی
مسلمانلرله مناسباتده بولغنه و دنیانک هر طرفنده
بنی نوعه قارشی اخلاق فاضله اسلامیه سیله
حسن مثال کوسترمکه و بو صورته دین مبین
اسلامی دنیانک هر طرفه نشر ایلکه مأمورددر
مجبورددر. بوده سیاحتله اولور. سیاحتده
اک بیوک، اک طبعی واسطه کیلردر، واپورلردر
ایشته (اتحاد محمدی) جمعیتی بو نقطه مهمه یی
بیلدیکی و اهمیت لائقه سیله تقدیر ایتدیکی ایچون
مسلمانلری سیاحت و بتون دنیا ایله مناسبات
تجاریه ده بولغنه تشویق ایتک اوزره (اتحاد
محمدی شرکت بحریه سی) نامی التئده بر
شرکت تشکیلنه قرار ویردی.

نظامنامه سی طبع و انظار عامه یه عرض
اولنجه یه قدر بو نظامنامه یه اساس اولان بعض
ماده لر جمله یه معلوم اولق ایچون بروجه آتی
نشر اولنور.

اتحاد محمدی شرکت بحریه سی

— درسمادته، اتحاد محمدی جمعیتک حما
یه سی التئده بر آنویم شرکت بحریه سی تشکیل
اولنه جقدر.

— سرمایه شرکت شمیدلک بشیوزبیک
لیرادن عبارت اوله جقدر.

— شرکتک حصه سنداتی تبعه دولت
ایله بتون کره ارضده کی مسلمانلره مخصوص
واسم و شهرته محرردر.

— شرکت حصه داراننک نام و شهرتی
وحامل اولدینی حصه سنداتنک مقدارینی مبین
اولق اوزره لزومی قدر دفتر طوته جق و سنداتک
فراغ و انتقالاتی معاملاتک اشبه و دفترلره قید
اولنه جقدر.

— شرکتک حصه لری صرف ملک اولوب